

畿輔通志卷一百四十四

略九十九 金石七 正定府一 正定

正定府

正定縣

東魏

劉壽君造象記

右象得之正定拓工李寶臺記刻象座正書元象元年十二月二十一日造仁和韓小亭秦華攜去字甚恠憚身古

象字

常山貞石志

謹案劉寫作釗此造象今歸貴筑黃氏

程榮造象記

記刻象背正書興和二年造穀字作榮雖見山海經及尙

書大傳然亦隸變之俗體也此象向在長垣縣蓮子祠余

得之供養十經齋中

常山貞石志

舊在長垣正定守沈濤移至郡署

金石分域編

僧道山造象記

正書興和三年四月今歸平湖韓氏

金石分域編

卯縣人造象記

正書興和四年四月

金石分域編

造象殘記

記刻象座正書興和四年四月八日造今在正定縣

常山貞石志

志

張恭敬造釋迦象記

記刻象座正書武定三年九月三日造今在十經齋恭敬

本王氏女又以張冠名上當是其夫姓

常山貞石志

北齊

崔氏女張華造象記

正書天保三年正月

金石分域編

伯辟寺尼惠暈造象記

記刻象座正書天保五年正月二十九日造今在正定縣

暈卽暉字伯辟寺正定府縣志均不載

常山貞石志

僧道肫造盧舍那法界人中象記

朱豹泉得石寄黃小松琢背爲硯而小松復以遺余

授堂金石

跋

案此石舊從濟甯州普照寺發土得之石存而象無考矣
後轉徙藏於正定佛寺朱得之以贈黃黃以贈武今所見

者拓本也

金石萃編

案法苑珠林普敬部引華嚴云盧舍那佛報身如來所王
之土復過是數盡十方界非凡所謀故梵網經偈我今盧
舍那方坐蓮花臺是碑所稱盧舍那蓋佛名也翻譯名義
集盧舍那賢首梵網疏云梵本盧舍那此云光明徧照照
有二義一內以智光照真法界此約自受用義二外以身
光照應大機此約他受用義鵬案兼此二義與普照之名
更有合也

金石索

謹案記云大齊天保十年七月十五日造係正書

口貴賓造象殘記

正書乾明元年

金石分域編

謹案貴字上缺文疑是趙字

成氏造石浮圖記

造石浮圖題名

正書皇建二年正月二十九日造今在正定縣

常山貞石志

謹案孝昭皇建二年卽武成太甯元年是冬十一月改

元

成直榮等造象記

正書皇建二年七月

金石分域編

趙口賓造玉象記

正書皇建二年十月二十三日

金石分域編

謹案趙字下缺文疑是貴字

造象殘記

正書天統三年口月十三日

金石分域編

呂蓋伯造白玉象記

正書天統四年二月

金石分
域編

僧洪造象殘記

正書天統四年四月十八日

金石分
域編

口明基造象記

正書天統五年正月七日

金石分
域編

常山邑義七級碑

不著書撰人名氏文辭聲偶而甚怪書字頗有古法其碑
首題云慕容儀同翹常山石氏諸邑義七級之碑其文云
常山太守六州大都督儀同三司綦連公以天保九年爲
國敬造七級浮圖一區至天統中復持節都督瓜州諸軍
事驃騎大將軍儀同三司瓜州刺史常山太守六州大都

督頻陽縣開國子樂平縣開國男慕容樂及散騎常侍郎
驃騎大將軍前給事黃門侍郎繕州大中正食新市縣幹
新除常山太守麴顯貴與功曹石子和等增成之蓋北齊
時碑也綦連公不見其名北齊有綦連猛不爲常山太守
不知此何人而慕容樂官兼刺史太守竝封兩縣不可詳
也食縣幹入官銜蓋當時之制亦不可詳也義者衆成之
名猶若今謂義井之類也

集古錄
跋尾

高齊大臣率爲六州都督綦連猛傳云天保九年轉武衛
大將軍造塔時或在未轉之先旣自外轉內史官略太守
而不書邪慕容儼傳後附樂官次甚略當以碑爲正北齊
官制各給事力一品至三十人下至流外勳品遞降諸州
刺史守令以下幹及力皆聽勅乃給其幹出於所部之人

一幹輸絹十八疋凡食郡幹縣幹或兩郡三郡至五六縣者積幹力而計多少也赫連子悅爲林慮長世宗問所不
便子悅對曰臨水武安二縣去郡最遠若東屬魏郡則地
平路近世宗笑曰卿徒知便民不覺損幹子悅云不敢以
私潤負公心卽此幹也

金石錄補

謹案北齊王公本爵之外別封者甚多南趙郡王叡傳
別封浮陽郡公潁川郡公宣城郡公清河王岳傳別封
真定縣男段韶傳封下洛縣男後恩賜父榮姑臧縣侯
進爵爲公世宗還鄴留守晉陽封長樂郡公別封真定
縣男顯宗受禪別封朝陵縣公霸城縣侯平梁將東方
白額封平原郡王破周人別封武德郡公解洛城圍封
靈武縣公天統三年除左丞相永昌郡公潰柏谷城封

廣平郡公圍定陽擒周楊範別封安樂郡公是一人有
兼二三至十餘封者其餘人別封者不可勝載又案段
韶食滄州幹基連猛食肆州平寇縣幹史旣載之疑當
時皆以入銜非第此碑麴顯貴一人矣又按額稱石氏
諸邑義記復載功曹石子和等是義字應連上讀不然
石氏諸邑不可解矣又案龍藏寺碑陰題名云邑義一
万人等亦義字連上讀之證又案金石錄補以基連猛
卽建浮圖之人雖云史書簡略時有然考據之學不容
如此臆斷又云慕容儼傳後附樂官次甚略似以樂卽
儼子者案儼傳子子暉給事黃門侍郎而下附牒舍樂
范舍樂二人事跡奕苞其以給事黃門侍郎之官同而
斷以子暉卽樂邪抑誤讀兩舍樂之名而仞爲樂也又

赫連子悅係林慮守此作長蓋寫誤

尼法元等造象記

右記刻座上正書武平四年五月十七日造今在十經齋
余在曲陽訪得題名中靜卽靜字後漢書崔駰傳靜潛思
於至謁注與靜同形卽邢字隸釋孔耽碑消邢瘦腊司馬
季德碑消邢幽門皆以邢爲形此蓋以形爲邢常山貞石志
李子儒殘石刻

正書口口四年四月十二日同上

卅一人等造龍樹霍思維象殘記

路奉世母等造象記

槃邪母呂等造象殘記

口口貴息女敬勝等造象記

蘇延業母殂豐蘭殘石刻

趙挹趙靖延殘石刻

媚口父金殘石刻

僧道珍等造象殘記

郭延口造象殘記

百慶俱集爵祿興殘石刻

張文邕張仕明等造象記

正書皆無年月

金石分
域編

隋

龍藏寺碑

右齊開府長兼行參軍九門張公禮撰不著書人名氏字
畫遒勁有歐虞之體隋開皇六年建在今鎮州碑云太師

上柱國大威公之世子左威衛將軍上開府儀同三司使
持節恒州諸軍事恒州刺史鄂國公金城王孝僊奉勅勳
獎州人一萬共造此寺其述孝僊云世業重於金張器識
逾於許郭然北齊周隋諸史不見其父子名氏不詳何人

也

集古錄跋
尾集本

寺已廢此碑今在常山府署之門以隋開皇六年立後題
張公禮猶稱齊案周武帝建德六年虜齊幼主高常齊遂
滅後四年隋建開皇之號至六年齊滅蓋十年矣公禮猶

稱齊官何也

集古錄跋
尾真跡

集古錄謂寺已廢碑在常山府署之門常山卽今之真定
余近以使事過之聞府治東二里龍興寺有古銅佛一軀
崇七十二尺閣之覆者崇百有三十尺與太守同年李君

往遊其間見殿前一古碑其趺已沒土中讀之乃公愷文
蓋寺在隋名龍藏歐公謂寺廢碑在府署蓋未嘗親歷其

地耳

金薤
琳瑯

龍藏寺碑其書方整有致爲唐初諸人先鋒至碑立於開
皇六年張公禮猶稱齊官書者不以爲嫌當時不以爲禁
此皆尙有古道尤可紀也

庚子鎔
夏記

今在真定府龍興寺大殿內其後爲天甯閣九間五層高
一百三十尺中有銅觀世音象高七十二尺四十二臂各
有所執之物俗謂之大佛寺也張公禮齊亡入周周亡入
隋而猶書齊官蓋君子之能不降其志而其時之人亦不
以爲非也余考顏之推仕歷周隋而其作家訓猶謂梁爲
本朝蓋同此意其時南北分疆興亡迭代爲之臣者雖不

獲一節以終而心之所主見於稱名之際者固較然不易
如此然則今人之不及古者又豈獨書法之陋文字之訛
而已哉

金石文
字記

真定府龍興寺隋龍藏寺故址也宋太祖曾幸其地寺重
建於乾德元年龍興之額所由更也然集古錄稱龍藏寺
已廢遺碑在常山府署之門則嘉祐間碑猶在寺外也

曝書

亭集

張公禮下僅有一之字之下闕爲撰爲書皆不可知而都

元敬竟坐張公禮爲撰文未免太鑒集古錄謂碑在常山
府署都元敬以歐陽公未嘗身歷其地故誤今顧甯人又
謂在殿中不知甯人亦曾親至否如顧說又未知何時移

入殿中也

虛舟
題

都太僕金薤琳琅具錄其文以予所藏拓本校之則都氏之訛者五六字都氏所有而今磨滅者十餘字公禮此文徵引內典富贍不減頭陀寺碑在當時必以文學名而史家傳文苑者不及焉士之韞才藝者莫不欲身後名而往往泯滅無稱如公禮者何可勝數乃知古人蒐討金石之文其於表微闡幽不爲無助也其云太師上柱國大成公之世子使持節左武衛將軍上開府儀同三司恒州諸軍事恒州刺史鄂國公金城王孝僊歐陽永叔趙子函以爲齊周隋諸史皆無之以余考之蓋王傑之子孝僊也周書傑金城直城人宣帝卽位拜上柱國追封鄂國公諡曰威子孝僊大象末位至開府儀同大將軍碑書僊爲僊蓋字體之偶異傳不云襲鄂國公則史之闕也其仕隋爲恒州

刺史在周書固不當載而北史亦未增入此爲闕漏矣文
稱勸獎州內士庶壹方人等又稱九重壹柱之殿皆以壹
代一字案禮記節以壹惠鄭注壹讀爲一正義云上壹是
齊壹下一是數之一二也經文爲大壹之字鄭恐是均同
之理故讀爲小一取一箇善名爲諡耳讀此碑知壹之代
一隋時已然故唐初撰正義者有大壹小一之語耳銘詞
云鄒魯媿俗汝穎慙能與臺材來協韻蓋才能之能古讀
奴來反隋時古音猶存也

潛研堂金
石文跋尾

碑稱太師上柱國大威公太師之銜史所畧諡曰威不知
何以碑加大字所未詳也恒州始置於周建德六年領常
山郡隋初廢郡而州存大業初州廢復立郡開皇六年州
尙存故孝僊爲此州刺史也

金石
萃編

正書開皇六年十二月五日立今在府城隆興寺嘉定錢
辛楣少詹謂右側有字余親至碑下諦視之實無錢氏之
言誤公禮當是入隋不仕者亭林顧氏以顏黃門家訓稱
梁爲本朝例之非也

常山貞
石志

謹案碑文左威衛集古錄作左武衛而使持節在軍號
之上又僊碑作僊又案公禮都穆及趙岫均作公愷今
石本已泐無可考又案歐陽修曾官河北都轉運使真
定正其轄地安得不親歷邪陶雲德政碑跋已自言之
矣又案張公禮撰文集古錄之言王澍以爲都穆之說
誤今碑實在佛香閣前左墀顧炎武云殿內者猶言大
殿以內耳王澍以爲殿屋內亦誤又案本碑金石錄有
目無說石墨鐫華及來齋金石考略皆複稱前人之言